



ZWAEN 13, 2022

Kenadaw Li Post kinawniwun kishkishowin nitawmp chinishtawinahk Métis oneekawneew Harry Daniels

Ooma neu kinawniwun chikishchitaymaw Daniels' soo atoushkaywin kaw-awnkourazhee li drway pi miyou pimatishiwn di Michif didawn Kenadaw

REGINA – Itay kaw-etahkamikuhk anoush didawn Regina, Kenadaw Li Post chiwawpahtahwayhk aen neu kishkishowin nitawmp chinishtawinahk oohin keeshtawina di Michif oneekawneew Harry Daniels. Wiya la lway kaw-kee-oushtawt oneekawnayshtamakayw, oushipayhikayw pi ouhtamihiwayw, Daniels kee-itayimooow opimatishiwin ishi li drway pi miyou pimatishiwn di Michif pi namoo ayitapiwin Li Promyee Nawsyoon didawn Kenadaw.

Ooma payyek ouschi traww lee zitawmp akwawnima kischee aypakitinikkawtayw ishpee Zwaen 21 - Mishiway itay Alawntour En zhournee d'Indigene Li Moond - nishtawinawkoushiwin di kaw-weechihiwaychik shakaen Indigene oneekawneew kaw-kee-oushtaw ishi see a lawntour.

Ouschi Harry Daniels

Keenistowikiw didawn Regina Beach, Sask., Daniels (1940 - 2004) – nishtawayimikawou poor soon weeatayhtaw peekishkwawyin pi joie de vivre – pishishkayshtam ishi opeekishkwayw neekawnayshtamakayw poor see moond poor ayiwawk kayawnt awn. Mischayt itaymaywuk soon weechihiwaywin ishi aen Michif li drway aykawiya paray didawn anoush ooma Kenadaw.

Neekawn ilektee ishi a l'awfis ishpee 1972 ishi li vis prizidaan di Michif Mamowitouwuk di Alberta (anoush aen Michif Nawsyoon di Alberta), Daniels mawna kee-neeapawistamawayw Indigene pi aen Michif li moond dan provayns, mishiway itay alawntour pi tooroon not grawn piyee. Wiya kee ilektee li sekritayr-treasurer ouschi Indigene Li Koonsayee di Kenadaw (anoush li Congress di Ingene li Moond) ishpee 1974 pi ayshkum michiminam ishi li prizidaan pi li shefr executive l'oflsyee.

Payyek kaykwuy Daniels ouschi kischee aenportaan kaw-weechihiwayt aykwawnima kaw-mitouni neekawneeshtam koucheewin chitapwaysta li federal gouvarnimaw chimawchistawnawt oohin nishtum ouschi kishkayistakwun li drway di Michif pi namoo ayitapiwin Li Promyee Nawsyoon didawn ooma neu la Constitution. Kay-ishpayik ouschi, aen Michif kaykinikawak, avek meena Li Promyee Nawsyoon ("Li Promyee Nawsyoon") pi Aen Niskimoo, ishi Indigene ("Indigene") li Moond didawn ooma *la Constitution Si la lway, 1982*.

Poor Daniels, mawka, aen constitutional nishtawinawkoushiwin aykwawnima pikou neekawn aen step. Ashpin 1867, li federal gouvarnimaw kee-nishtawinam pikou "ayitapiwin Li Promyee Nawsyoon" aykwawnima kawtipayhtahk pishkayimiawwn. Oki li provayns gouvarnimaw namou meena kee-itwayw wiya etipayhtahk pishkayimiawwn poor aen Michif pi namoo ayitapiwin Li Promyee Nawsyoon. Akouschi, ishpee 1999, Daniels pi awtist kootakak lee plaintiff aymawchistawak *Daniels pakwatem Kenadaw* chikishkayhtakwhk oki li federal gouvarnimaw owawhkoostouwin avek oohin deu la bonch. Ooma



ishpayiwin namowiya kee-il a disidee ziskawtawn 2016, dooz awn apray Daniels onipowin, ishpee La Grawn Koor keeweechihihayw Li Federal Koor kaw- wiyashawta aykwawnima aen Michif pi namoo ayitapiwin Li Promyee Nawsyoon wiyawow Li Promyee Nawsyoon awter ooma *British North America Si la lway, 1867*, pi pleu lwayn wiyawow awnter ooma li federal gouvarnimaw soon tipaychikaywin.

Pawschi opimatishiwin, Daniels kee-oushpayham awtist lee-leevr ouschi aen Michif li troub pi tout sort d'archlk pi li papyee ouschi la Constitution pi Indigene li drway. Ouhtamihiwayw di lee deu dan li stage pi lee moovee, kee-michiminam lee papyee di koleezh ouschi la University di Saskatchewan, Carleton la University pi la University di Ottawa (la awnoerabl doctorate). Didawn soon apray aen naw, kee-kishinamakayw aen Michif li tawn'd kayawsh itay la University di Saskatchewan pi kee-keewkayw achimoow itay lee university lout bor Kenadaw. Ishpee Mawr 2004, Daniels kee-outistikou ooma Lee zord di Michif Nawsyoon ouschi Mishiway itay Alawntour lee Michif Li Koonsayee.

Ouschi Indigene Oneekawneewak nitawmp koleksyoon

Ooma kel sort nitawmp si aykwawnima mawchistawin kaw-aypakitinikkawtayk didawn Kenadaw Li Post soon neu tou lee zawn ayiwawk Indigene Oneekawneewak koleksyoon. Ishpee Zwaen 21 – Mishiway itay Alawntour En zhournee d'Indigene Li Moond – Kenadaw Li Post chikinawniwun traww lee zitawmp ishi kishchitaymowin di Indigene oneekawneewak Harry Daniels, Li shefr Marie-Anne Day Walker-Pelletier pi Jose Kusugak.

Ooma la smenn, deu akwa nitawmp kaw-wawpahtahiwayhk kaw-etahkamikuhk chimichiminikawtayw:

- Ishpee Zwaen 14, ooma nitawmp chikishkishihk Jose Kusugak chiwawpahtahiwayhk itay kaw-etahkamikuhk didawn Rankin Inlet, Nunavut.
- Ishpee Zwaen 15, ooma nitawmp chikishchitayimoo Li shefr Marie-Anne Day Walker-Pelletier chiwawpahtahiwayhk itay kaw-etahkamikuhk didawn Fort Qu'Appelle, Sask.

Lee zitawmp pi li collectibles chi-ihatakoun itay canadapost.ca pi ita la mail kaw-oushchishipwaychahumihk lout bor Kenadaw ishpee Zwaen 21.

Outa shakamouhtawina chimishkamaen lee portray di nitawmp pi kootaka oushihtawina, pi kootaka awpachchikana:

- External folder avek mitouni emamiyouhk lee portray ([mawkouna oota](#)).
- YouTube aen video ([mawkouna oota](#)).
- Kenadaw Li Post en gazett d'archlk ([mawkouna oota](#)).
- Daw li piblik nakishkatoowin awpachchikana – [Facebook](#), [Instagram](#) pi [Twitter](#).

Poor ayiwawk weehstamakaywin:

Lee nouvel Mamaawinitowin

613-734-8888

media@canadapost.ca